



PRAVILNIK O ČLANSTVU U ASOCIJACIJI SNIMATELJA I SNIMATELJICA U BIH

UVOD

Član 1.

Pravilnik o članstvu ASBH reguliše prijem članova, obaveze članova i istupanje iz članstva asocijacije. Pravilnik o članstvu ASBH je u potpunosti oslonjen na Statut ASBH (od Člana 11. zaključno sa Članom 20.)

Članstvo u ASBH je dobrovoljno, a status članova može biti redovan i počasni član/ica.

PRIJEM U ČLANSTVO

Član 2.

Prijem u redovno članstvo se može ostvariti na lični zahtjev i po pozivu na prijedlog jednog ili više redovnih članova ASBH.

Prijem u počasno članstvo se ostvaruje na osnovu prijedloga Upravnog odbora ASBH ili jednog redovnog člana ASBH.

Prijem redovnih i počasnih članova se vrši jednoglasnim glasanjem svih redovnih članova ASBH.

U slučaju negativnog glasa o prijemu, redovan član/ica mora argumentirati svoj stav. U tom slučaju Upravni odbor ASBH i Etički odbor ASBH donose konačni sud.

Član 3.

Svojstvo člana ASBH može steći svako punoljetno fizičko lice koje je državljanin Bosne i Hercegovine, koje ima porijeklo iz Bosne i Hercegovine ili je rezident u Bosni i Hercegovini, koje ima neophodne stručne kvalifikacije iz oblasti snimateljske profesije kao i srodnih profesija i drugih relevantnih naučnih oblasti i koje prihvata ciljeve i Statut ASBH. Postati redovan član može postati samo profesionalni filmski ili televizijski snimatelj/ica, majstor rasvjete i majstor scenske tehnike.



Član 4.

Za prijem u redovno članstvo kandidat/ kandidatkinja treba da dostave: CV, filmografiju, radove (snimatelj/ica) ili preporuke (majstori rasvjete/ scenske tehnike).

Član 5.

Prijem novih redovnih članova se vrši na godišnjoj Skupštini ASBH, prije početka rada Skupštine. Prijemom u ASBH članovi imaju ravnopravan status.

Član 6.

Redovni članovi ASBH imaju pravo da:

- biraju i budu birani u tijela ASBH
- aktivno učestvuju u ostvarivanju ciljeva ASBH
- budu blagovremeno informisani od strane ASBH o radu i aktivnostima ASBH
- doprinose ostvarivanju ciljeva ASBH
- daju prijedloge, mišljenja i primjedbe na rad ASBH i njenih tijela.

OBAVEZE REDOVNIH ČLANOVA

Član 7.

Redovni članovi ASBH imaju obaveze da:

- aktivno doprinose ostvarivanju ciljeva ASBH
- učestvuju, u skladu sa interesovanjem, u aktivnostima ASBH
- obavljaju poslove koje im povjeri Upravni odbor ASBH
- lobiraju materijalno jačanje ASBH
- čuvaju i podržavaju ugled ASBH
- se pridržavaju Statuta, Kodeksa ponašanja i Pravilnika ASBH



Član 8.

Svaki redovni član ASBH obavezan je da plaća godišnju članarinu.
Visinu članarine utvrđuje Upravni odbor ASBH posebnom odlukom na početku svake godine.

POČASNO ČLANSTVO

Član 9.

Počasnim članom mogu postati fizička ili pravna lica koji su svojim djelovanjem posebno doprinijeli razvoju ASBH i BH kinematografije. Počasni članovi nemaju pravo glasa na Skupštini i ne plaćaju članarinu; poželjno je da učestvuju u aktivnostima ASBH, promociji ASBH i izboru godišnje nagrade ASBH.

Član 10.

Počasno članstvo se dodjeljuje na inicijativu Upravnog odbora ASBH; moguće je dodijeliti mimo godišnje Skupštine ASBH.

PRESTANAK ČLANSTVA

Član 11.

Članstvo u ASBH prestaje na sljedeći način:

- samovoljnim istupanjem člana koji o tome podnosi pismenu izjavu Upravnom odboru
- smrću člana,
- uslijed nepoštivanja i ozbiljnog kršenja Statuta ASBH ili Kodeksa ponašanja ASBH kada Odluku o razrješenju donosi Upravni odbor na inicijativu Etičkog odbora
- prestankom rada ASBH
- neplaćanjem članarine 2 godine uzastopno kada Odluku o razrješenju donosi Upravni odbor



Član 12.

Svaki član ASBH može istupiti iz ASBH na osnovu pisane izjave o istupanju koju dostavlja Upravnom odboru ASBH.

Kao dan prestanka članstva smatra se datum prijema izjave o istupanju.

Član ASBH koji istupi ili koji je isključen iz ASBH dužan je izvršiti obaveze prema ASBH dospjele do dana prestanka članstva.

Član 13.

Član koji grubo krši Statut ASBH, Kodeks ponašanja ASBH, ne poštuje Pravilnike ASBH, ne izvršava svoje obaveze prema ASBH ili svojim postupcima nanosi štetu ASBH ili narušava ugled ASBH može biti isključen iz ASBH.

Prije donošenja odluke o isključenju, član ASBH mora biti pismeno obaviješten o prijedlogu za isključenje, kao i razlozima zbog kojih se predlaže isključenje.

Odluku o isključenju donosi Upravni odbor ASBH.

Protiv odluke Upravnog odbora, u roku od 10 dana, može se izjaviti prigovor Skupštini ASBH, čija odluka je konačna.

Član 14.

Redovan član/ica ASBH mogu zamrznuti svoj status u ASBH; s tim da nemaju pravo glasa i učestvovanja u aktivnostima ASBH.

RAZNO

Član 15.

Svaki redovan član ASBH posjeduje člansku karticu, koja potvrđuje članstvo u ASBH.

Članska kartica sadrži lične podatke i fotografiju člana; lični podaci redovnih članova su zaštićeni.

Redovni članovi se nalaze u direktoriju ASBH na stranici www.asbh.ba



Član 16.

Asocijacija je obavezna da vrši promociju svojih članova putem oficijelne stranice i drugih društvenih mreža (Facebook, Instagram i dr.); kao i drugih vidova javne prezentacije.

Član 17.

Za tumačenje ovog pravilnika je odgovoran Upravni odbor ASBH. Pravilnik o članstvu ASBH je usvojio Upravni odbor dana 16/10/2019

Pravilnik će biti objavljen na stranici www.asbh.ba

ZAVRŠNA ODREDBA

Član 18.

Pravilnik o članstvu ASBH stupa na snagu onog dana kada ga usvoji Skupština ASBH.

Donošenjem na snagu ovog pravilnika ukida se važenje prethodnog Pravilnika o članstvu ASuBiH.

Sarajevo, 21/12/2019

Predsjednik ASBH
Mustafa Mustafić